

СЎЗБОШИ

Ушбу нашр Бухородаги ислохотчилик ҳаракатлари ва 1920 йилги тўнтариш тарихига доир энг муҳим маҳаллий манбалардан бири — Садриддин Айнийнинг *Бухоро инқилобининг тарихи* номли ўзбек тилидаги асарининг матнидан иборат.

Бугунга қадар мазкур асар бир неча марта нашр этилган бўлишига қарамай, қуйида Киришда атрофлича маълумот бериб ўтилганидек, унинг Ўзбекистон Республикаси Фанлар академияси Абу Райҳон Беруний номидаги Шарқшунослик институтида сақланаётган қўлёзмалари асосидаги илмий-танқидий матнига бўлган эҳтиёж сақланиб қолмоқда эди. Япония ва Ўзбекистон ўртасидаги самарали илмий ҳамкорлик туфайли бу иш энди амалга оширилди.

Ушбу китобни ҳозирлаш ва нашр этиш билан боғлиқ ташкилий масалаларни ҳал қилишда кўрсатган ёрдамлари учун ЎзР ФА Шарқшунослик институти директори Баҳром Абдуҳалимовга, директор ўринбосари Сурайё Каримовага, ушбу нашрни молиялаштирган Islamic Area Studies лойиҳасининг Токио университетидаги Маркази (TIAS) раҳбари, профессор Коматцу Ҳисаога ўзимизнинг чуқур миннатдорлигимизни изҳор этамиз. Китобнинг тадқиқот қисми ва танқидий матн юзасидан билдирган қимматли фикр-мулоҳазалари ва маслаҳатлари учун Нурёғди Тошев ва Ғуллом Каримовга чексиз ташаккуримизни билдирамыз.

Шарифа ТОШЕВА
(ЎзР Фанлар академияси
Шарқшунослик институти)

ШИМАДА Шизуо
(Токио давлат чет тиллар
университети)